



Publicaziuns dalla vischnaunca, jamna 23

Damondas da baghegiar

Datum da publicaziun: 8 da zercladur 2012

Nr. 2012-1034

Datum da publicaziun: 8 da zercladur 2012

Il patrun: Christoph Berger-Zumbuhl, Via Alpsu 33, 7180 Disentis/Mustér

Il representant: Rico de Castelberg, Via Alpsu 2, 7180 Disentis/Mustér

Object: Sligiar balcon existent e construir dus novs balcons. Postar collecturs da sulegl vid la fatschada, parcella 691, Via Alpsu 33, 7180 Disentis/Mustér

Nr. 2012-1035

Il patrun: Coray Capaul immobilias GmbH, Via Lucmagn 4, 7180 Disentis/Mustér

Il representant: Coray Capaul immobilias GmbH, Via Lucmagn 4, 7180 Disentis/Mustér

Object: Construcziun d'ina casa da pliras famiglias, parcella 1047, 7180 Disentis/Mustér

Nr. 2012-1036

La patruna: Elisabeth Bass-Nadig, Via Scaletta 4, 7180 Disentis/Mustér

Il representant: Nadig Architektur GmbH, Hohenweg 90, 8880 Walenstadt

Object: **Engrondaziun dalla casa, parcella 1021, Via Scaletta 4, 7180 Disentis/Mustér**

Nr. 2012-1037

Il patrun: InfraPost AG, Pfingstweidstrasse 60b, 8080 Zurich

Il representant: InfraPost AG, Pfingstweidstrasse 60b, 8080 Zurich

Object: Construcziun da dus parcadis, parcella 724, Via dalla Staziun 5, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damondas da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Muster, ils 5-6-2012

Uffeci da baghegiar Disentis/Mustér

Votaziun federala e communal

L'urna principala en casa communal ei aviarta sco suonda:

Sonda 16-6-2012 18.30–19.30

Dumengia 17-6-2012 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 15 da zercladur 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar **suttascret** en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**suppli cau da francar**) ni directamein fierer en la scaffa da brevs dalla casa communal.



Ils cedels da votar ston esser **sil pli tard la sonda, ils 16 da zercladur 2012 allas 12.00** tier l'administraziun communal. Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

Suprastonza communal Disentis/Mustér

Stradun cantunal – Via Sursilvana

Ils 17 da zercladur 2012 han vischinas e vischins da decider davart il credit per la sanaziun dalla via principala atras il vitg. Quella ei en in schliet stan e basegna urgentamein ina sanaziun totala, ton pli ch'ei setracta d'in stradun fetg frequentau. Ei va per ina ovra comunabla dil cantun e dalla vischnaunca che vegn realisada els proxims treis onns. Fertun ch'il **cantun surpren rodund 1,8 milliuns francs**, sto la vischnaunca separticipar cun biebein **1,4 milliuns francs** al project.

Ina realisaziun ei mo pusseivla, sche omisdus partenaris separticipeschan. Il cussegl da vischnaunca recamonda unanimamein – en concordanza cun la suprastonza communal – d'approbar il project e da conceder il credit necessari.

Cussegl da vischnaunca

Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas *immediatamein* suenter la pasculaziun. Quei vala era per seivs da gatter. Igl unviern vargau ein differentas seivs buca vegnidadas allontanadas. Entras quellas seivs ein capitai differentis accidents cun animals selvadis. Tals accidents san vegnir evitai.

Pigl atun proxim vegnan ils organs da catscha e la vischnaunca a controllar, schebein quellas seivs ein vegnidadas allontanadas. Las seivs buca allontanadas vegnan allontanadas senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e prender las mesiras prescrettas.

Disentis/Mustér, zercladur 2012
Suprastonza communal

Inscripziuns e reclamas

Tenor art. 77 dalla lescha da baghegiar ein tablas d'informaziun ed inscripziuns lubidas, sch'ellas disturban buc il maletg dil vitg e dalla cuntrada sco era la segirtad dil traffic. Reclamas da baghegiar ein d'allontanar il pli tard a caschun dalla collaudaziun. L'inscripziun sedrezza tenor la reglamentaziun communal corripudenta.

Pertuccont la segirtad da traffic fagein nus attents, ch'igl ei scumandau da postar agl ur dalla via resp. sin passapeis tablas moviblas cun inscripziuns. Talas tablas impedeschan la vesta sil traffic e periclitreschan persunas ed en special ils affons che spetgan agl ur dalla via. Tablas sin passapeis ed agl ur dalla via che periclitreschan la segirtad da traffic vegnan allontanadas entras ils organs communal resp. entras la polizia da traffic.

En quei connex avisein nus al fatg che inscripziuns e reclamas ston esser en lungatg romontsch. Il text romontsch astga vegnir cumpletaus cun in lungatg jester.

Disentis/Mustér, zercladur 2012
Suprastonza communal



Erwachsenenbildung Aua Viva

Offene Gesprächsabende zu Themen des Glaubens Donnerstag, 14. Juni 2012

Zum Thema «Offenbarung des Johannes – das letzte Buch der Bibel». Die Abende finden statt im Gemeindezentrum Aua Viva, **jeweils von 20.00–22.00 Uhr**.

Center sursilvan d'agricultura

Referat cul tema: Milchleistungssteigerung und Offenhaltung der Landschaft auf der Alp Puzetta – Zwei Ziele, die sich ausschliessen?

Venderdis, ils 8 da zercladur 2012 allas 20.15 el Center sursilvan d'agricultura a Mustér.

La sera entscheiva cun ina introducziun da Marius Flepp, commember dalla corporaziun, sur dalla cultivaziun dall'alp Puzetta cun l'atgnadad dalla collaboraziun cun Bergwaldprojekt. Silsunter declara Yvonne Panzer, studenta da Master da Öko-Agrarmanagement alla scol'aula ad Eberwalde, co insa, cun la cultivaziun dall'alp, mantener la natira e l'economia.

Alla fin ein experts ord l'agricultura, ord il schurmetg dalla natira ed ord l'elavuraziun da latg presents per cussegljar sur dil futur dall'alp Puzetta.

Dapli informaziuns: www.agricultura.ch.

Cordial beinvegni!

Center sursilvan d'agricultura
Via Lucmagn 31
Caum postal 69
7180 Disentis/Mustér
Tel. 081 936 48 00
www.agricultura.ch

Alp Russein Mustér

Invit alla radunonza generala dils possessurs da dretgs e dil consorci d'alp Cavrein/Russein

Gliendisdis, ils 11 da zercladur 2012
allas 20.15 ell'ustria «Fravia» a Disla.

Uniun da dunnas Mustér *Lavar ora la baselgia*

Mesjamna, ils 13 da zercladur lavein nus ora nossa baselgia. Nus fussen fetg engrazieivlas a mintgina che pren peda da vegnir a segidar cun nus. Naturalmein fagess ei era plascher dastgar beneventar ils umens.

Nus entschevin allas 8.00. Ils zenns tucchen.

Mintgina pren cun ella: lumpa, barschun e sadiala.

En cass da mortori vegn il datum refiers sin ils 20 da zercladur.

Per Vies agid grond engraziament.
La suprastonza



**Exercezi regional dallas uniuns samaritanas Tujetsch, Medel e Mustér
a Mustér/Caischavedra**

Gliendisdis, ils 11 da zercladur 2012

Rimnada: las 18.45 a s. Catrina.

Equipament: resti cauld e buns calzers.

Igl'exercezi ha liug da tutt'aura. Suent'er igl'exercezi vegn purschiu a tuts participonts ina mudesta tscheina el restaurant a Caischavedra.

*Sperond ad ina stedia participaziun salida cordialmein
la presidenta*

**Uniun da catschadurs Péz Alpetta
Salvament d'anseuls**

Preziai purs

Ussa ei il temps che las cauras cavriel fan ansiel. Stedi setegnan ellas si cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel.

Annunzias saveis far tier il cau da tgira sut la numera 078 817 72 30. Bien engraziament per Vossa collaboraziun.

Uniun da catschadurs Péz Alpetta: Il cau da tgira

**Corporaziun manteniment da vias
Mompé Medel**

Invit alla radunonza generala dalla corporaziun manteniment da vias

venderdis, ils 15 da zercladur 2012 allas 20.15 el local
dall'Uniun da scursalar Mompé Medel.

Tractandas:

1. Elecziun d'in dumbravuschs
2. Protocol
3. Rapport dil president
4. Rendaquen per 2011
5. Rapport dils revisurs ed approbaziun dil quen
6. Elecziuns
7. Varia

Cordialmein envida
la suprastonza



Camp Cadi 2 – Camp 2012 a Minca

Per il camp da giuvenils organisaus dalla Fundaziun TÜR auf – mo vinavon a Minca **denter ils 30 da zercladur ed ils 6 da fenadur 2012** ha ei aunc 5 plazs libers (6. tochen e cun 9. classa).

Tgi che ha interess anfla ulteriuras informaziuns sco era il talun d'annunzia sut www.campcadi.ch
Team Camp Cadi 2

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Praulas e historias cun Mats, la miur

Eis ti denter 3 e 6 onns? Has ti gust da vegnir cun tia mumma ni cun in'otra persuna d'accumpnament en biblioteca e tedlar praulas ni historias?

Mats, la miur e nus dalla biblioteca raquitein a ti ina praula ord in cudisch da nossa valischa da surpresas e quei mintga gada il **secund venderdis** dil meins dallas 14.30 entochen ca. allas 15.30. Nus selegrein zun fetg sin tei ...

Tgisà, forse anflein nus mintgatun aunc enzatgei auter che mo cudischs en nossa valischa da surpresas!

Cun ils pli cars salids e sin seveser tochen gleiti.
Mats, la miur ed il team dalla biblioteca populara Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér